

Upozorenje Linije za pomoć novinarima u vezi s opstruiranjem rada medija

Tokom predizborne kampanje Linija za pomoć novinarima je registrirala povećan broj slučajeva opstruiranja rada medija. Opstruiranje rada novinara zaposlenih u medijima se obično pojavljuje u vidu fizičkih napada, zastrašivanja, prijetnji, pritisaka na medije putem zvaničnih institucija i uništavanja ili krađe imovine. Ovu predizbornu kampanju, kao i mnoge u Evropi, karakteriše žestoko političko rivalstvo i obraćanja putem medija. Međutim, prilikom promoviranja svojih interesa u velikom broju slučajeva kandidati prije koriste metode prisile nego svoje sposobnosti uvjeravanja.

Ukoliko pojedinci ili organizacije izvještavanje konkretnih medija smatraju neprikladnim, trebali bi se, u zavisnosti od slučaja, obratiti Regulatornoj agenciji za komunikacije (CRA) ili Vijeću za štampu.

U završnoj fazi predizborne kampanje nakon koje će uslijediti prvi poslijeratni izbori koje organiziraju isključivo bh. organi vlasti, Linija za pomoć novinarima koristi priliku da pozove grupe za zaštitu ljudskih prava, profesionalne novinare, te političare da zaustave svaki pokušaj zastrašivanja medija kad god i gdje god se takvi slučajevi pojave.

Linija za pomoć novinarima poziva novinare, kao i sve zaposlene u medijima da prijave prijetnje, zastrašivanje ili uplitanje u njihov rad na tel: 033/217-302 ili putem e-maila na adresu fmhl@zohr.int